

宋·楊仲良 編

續資治通鑑長編

紀事本末

卷八

北京圖書館出版社

宋·楊仲良 編

續資治通鑑長編

紀事本末

第八冊

北京圖書館出版社

第八冊目錄

| | |
|--------|------|
| 卷一百三十 | 四〇四五 |
| 尊王安石 | |
| 不用呂惠卿 | 四〇五二 |
| 久任曾布 | 四〇五九 |
| 卷一百三十一 | 四〇九一 |
| 張商英事迹 | |
| 蔡京事迹 | 四一〇八 |
| 卷一百三十二 | 四一三七 |
| 講議司 | |
| 卷一百三十三 | 四一六三 |
| 議禮局 | |
| 卷一百三十四 | 四一九三 |
| 禮制局 | |
| 卷一百三十五 | 四二二五 |

| | |
|---------|------|
| 大晟樂 | |
| 四學 | 四二三八 |
| 卷一百三十六 | 四二四七 |
| 當十錢 | |
| 卷一百三十七 | 四二七七 |
| 水磨茶 | |
| 解池鹽 | 四二八三 |
| 卷一百三十八 | 四二九三 |
| 方田 | |
| 馬政 | 四三〇四 |
| 卷一百三十九 | 四三一五 |
| 收復滄州 | |
| 卷一百四十 | 四三六一 |
| 收復鄆州 | |
| 收復銀州 | 四三八二 |
| 收復洮州積石軍 | 四三八五 |
| 卷一百四十一 | 四三九五 |
| 討卜漏 | |
| 討方賊 | 四四二一 |

卷一百四十二…………… 四四三一

金盟上

卷一百四十三

金盟下

卷一百四十四

金兵上

卷一百四十五

欽宗皇帝

金兵下

卷一百四十六……………

内禪

卷一百四十七……………

李綱守議

卷一百四十八……………

誅六賊

卷一百四十九……………

二聖北狩

卷一百五十……………

高宗南渡

皇宋通鑑長編紀事本末卷第一百三十

徽宗皇帝

尊王安石

紹聖元年四月甲寅詔故觀文殿大學士集禧觀使守司空荆國公贈太傅王安石配享神宗皇帝廟庭 閏四月乙酉殿中侍御史來之邵言故宰相王安石配享先帝廟庭請詔有司原考王安石事業特加謚號以慰公議詔所屬詳定以聞 五月己未監察御史周秩言近詔太常議故相王安石謚伏以安石遭遇神宗皇帝其君臣相與行道以成一代之文願特詔兩省衆禮官等會禮部議上朝廷取決於聖裁而後有司頒焉詔不候本家行狀令太常

官共識謚。選博士一員撰議。六月癸未，禮部言：太學博士詹文奏恭惟神宗皇帝聖智高妙，該極象數，常念文字之學，世所不知，深詔儒臣，俾共探討。而王安石實進其說，當時未及頒行，而學者亦已見之。其於性命道德之理，則思過半矣。元祐貢舉，敕乃令進士不得引用字說，而與中韓、釋氏之書同禁。乞除去字說之禁，從之。

新錄刪去元祐奏，但元祐貢舉，敕令進士不得引用王安石字說，乞除其禁。從之。辨曰：王安石穿鑿破碎，不足以仰稱神宗明詔。自其學既行之後，士風人材視昔時爲何如，則所謂於性命道德之理，思過半者，詎可信乎？

十月丁亥，國子司業龔原奏：贈太傅王安石在先朝時嘗

進所撰字說二十二卷其書發明至理欲乞差人就王安石家繕寫定本降付國子監雕印以便學者傳習詔可

二年三月甲辰國子司業龔原等言贈太傅王安石在先朝嘗進其子芳所撰論語孟子義乞下本家取所進義定本下本監雕印頒行詔令國子監寫錄一本進納 十一

月庚子三省言國子司業龔原奏請乞檢詳前奏下贈太傅王安石家取所進字說副本下國子監校定雕印以便學者傳習從之 三年十一月丁酉監察御史兼殿中侍御史蔡誥言近朝廷取太傅王安石所進字說付國子監雕板以便學者傳習又以池州石詠劉發嘗受安石學特令校正乃有太學錄葉承輒肆論列自謂親聞安石訓釋

令校對疑誤諸同看詳按承身為學官宜知分守而乃離
次侵官干預本監之事望賜睿旨正其侵越之罪詔特罰
金六觔 元符元年九月癸口詔故王安石就京師賜第
百間以上 三年五月戊子王安石妻吳氏乞回納所賜
宅詔依 十一月庚午賜故贈太傅王安石妻越國夫人
吳氏江寧府官產六十間以吳氏託蔡卞為家舊有賜第
京師已納朝廷而下赴貶所故有是賜 崇寧元年閏六
月戊寅知江寧府鄧祐甫乞以府學所建王安石祠堂著
祀典從之 三年六月戊申詔荆國公王安石配享孔子
廟廷 四年五月癸亥河東提舉學事言絳州州學中荆
國公王安石未有贊國子監乞依鄒國公例詔學士院撰

贊頌降

學士張康國鄧洵仁也不知撰贊者誰當考贊曰孔孟云遠六經中微斯文載興自公發揮推闡道真啟迪群迷優入聖域百世之師陳瓘尊堯集序可考

政和元年十一月丙子臣僚言竊見邇英講經皆并注入點釋因襲之久未及是正欲乞自今只點正經其音釋意義並以王安石等所進經義為準從之三年正月庚午詔普趙普潘美王曾韓琦鄭康成孔安國從祀孔子王安石被遇先帝與其子雱修撰經義功不在數子之下安石可封王爵雱可配享文宣王廟廷壬申故特進守司空贈太傅荆國公王安石追封舒王六年正月乙未手詔

王安石熙寧中賜江寧府蔣山太平興國寺爲本家功德寺訪聞近歲林木砍伐殆盡寺宇荒廢塋域無人洒掃悉緣過房孫王棟自擅至今無人管勾限此指揮到日仰王棟不得干與應田產米斛錢物等並令依王安石及其妻吳氏在日事理施行所有蔣山住持僧下兩街僧錄選差前去應林木不得輒有斫伐庶以上稱神考待遇安石之意重和元年六月壬申門下侍郎薛昂奏承詔編集王安石遺文乞更不置局止就臣本府編集差檢閱文字官三員從之十一月丙子提舉成都府路學事翟輅筠奏王安石參酌古今篆隸而爲之說此造道之指南而窮經之要術也然字形書畫纖悉委曲咸有不易之體世之學

者知究其義而至於形畫則或畧而不講從俗就簡轉易
偏旁傳習既殊漸失本真如期朔之類從月股肱之類從
肉勝服之類從舟丹青之類從丹靡有不釋而今書者乃
一之若此者不可勝舉故幼學之士終年誦書徒識字之
近似而不知字之正形甚可歎也 云云願詔儒臣重加修
定去其訛謬存其至當一以王安石字說爲正分次部類
號爲新定五經字樣頒之庠序詔太學官集衆修

實錄有此但削去以王安石字說爲正等語殊失事實
今取初草元奏補增入之

宣和四年八月庚子賜新除太僕少卿王棟進士出身以
安石孫故旌之 九月戊午詔熙豐政事悉自安石建明

今其家淪替理宜褒恤可賜第一區孫棣除顯謨閣待制
提舉萬壽宮觀曾孫琦秘並轉宣義郎孫女二人各進封
號一等曾孫女五人並封孺人

不用呂惠卿

紹聖元年閏四月乙酉提舉崇福宮呂惠卿知蘇州 癸
巳新差知蘇州呂惠卿知江寧府 七月壬戌三省具呂
惠卿王中正宋用臣元罪狀進呈當再叙章惇曰惠卿所
坐極無名云云上曰與復舊官并資政殿學士 十月己
巳資政殿學士知江寧府呂惠卿知大名府三省樞密院
同呈惠卿除目曾布韓忠彥曰若惠卿在朝善人君子必
無以自立上曰只令知北京豈可留也 丁酉曾布與韓

忠彥言外議見忠卿移大名過關遷工部升卿除落銜替
疑忠卿復用上曰無此 二年二月甲戌資政殿學士新
知大名府呂忠卿爲資政殿大學士先是章惇必欲用呂
忠卿帥河東韓鎮守北門時曾布在告韓忠彥力口事及
布出議河東帥上曰三省必欲用呂忠卿布曰不知聖意
如何上曰只用王安禮章惇言忠卿乞留京師但願得一
宮觀時上殿上曰已除大資政兼北京亦是重地布曰忠
卿於邊鄙生事未便忠彥曰章惇言地界予後河東方欲
作爲非忠卿不可布曰忠卿本不肯安靜若朝廷更示以
作爲之意邊鄙安得無事上深然之又問忠卿已行否忠
彥布皆曰忠卿乞留乃是無耻君子難進而易退其人可

知矣上哂之 十月甲申資政殿學士知大名府呂惠卿
爲觀文殿學士知延安府 十一月戊午呂惠卿入對甚
久引進副使宋球謂曾布曰惠卿語既久上極有倦色既
而再出一劄子不知上有何語遂不進呈出笏而退布奏
事畢因言惠卿今日見蔡卞卞云惠卿言須先朝應副乃
可爲布與忠彥皆曰邊帥奏請如可行無不應副之若不
可行何可應副上曰惠卿極凶橫不獨惠卿如此升卿之
徒皆然布曰臣與之不足不敢言然其兄弟實有凶德陛
下睿明洞見實天下之福惠卿留幾月乃辭去 三年十
一月癸巳先是呂惠卿奏乞依呂大忠例暫赴闕奏事章
惇謂布曰邊事方爾可謂不識緊慢也李清臣亦謂布曰

此必有挹魁柄之意或恐有引以為代者吾屬殆矣布曰
此無慮魁柄豈易挹耶及進呈上曰惠卿何可來衆皆言
無可來之理遂批旨云邊事之際帥臣難以前來如有所
陳係畫聞奏及再對布又言惠卿初失金明寨北西邊頗
皇恐待罪既而知朝廷有寬假之意便爾妄誕張大守禦
之勞又乞朝見此人無廉耻惟務貪進方此多事其欲來
何意豈又欲留住上亦哂之元符元年五月甲子觀文
殿學士右銀青光祿大夫知延安府呂惠卿換保寧軍節
度使再任知延安府二年八月丙申保寧軍節度使鄜
延路經畧安撫使兼知延安府呂惠卿特授檢校司空武
勝軍節度使加邑食實封以進築暖泉寨金湯城畢工也

三年正月己卯徽宗即位 丁亥宰臣奏前執政及從
官姓名呂惠卿居首上遽指之曰且令在邊 戊子檢校
司空武勝軍節度使呂惠卿爲鎮南軍節度使檢校司徒
建中靖國元年三月癸亥檢校司徒鎮南軍節度使知
杭州呂惠卿爲觀文殿學士右銀青光祿大夫提舉洞霄
宮呂惠卿引年乞致仕而有是命 崇寧元年閏六月己
未呂惠卿爲觀文殿學士知杭州 八月己巳知揚州
九月辛亥呂惠卿知太原府 十月己巳觀文殿學士新
知太原府呂惠卿爲武昌軍節度使知大名府 三年六
月壬戌武昌軍節度使知大名府呂惠卿以弟諒卿名列
姦黨奏乞罷免鉞除宮觀詔答不允 十一月癸巳知大

名府呂惠卿上表乞弟諒卿出籍詔尚書省錄諒卿所上書付惠卿。四年正月丙申呂惠卿遣管勾機宜文字徐中勾當公事錢秉賈本路守禦圖冊并劄子詣闕進呈上令諭惠卿曰此事乃安不忘危無事時做了極好合措置事但逐旋奏來。閏二月知大名府呂惠卿罷節度使爲右銀青光祿大夫提舉洞霄宮惠卿再上表乞弟諒卿出籍表詞有明昭先烈以推美於秦陵濶畧微文用保全於蔡邕言者論其引喻失當特責之。三月庚戌右銀青光祿大夫提舉崇福宮呂惠卿特令致仕。九月丙辰右銀青光祿大夫致仕呂惠卿復觀文殿學士。五年正月甲寅呂惠卿落致仕知青州。八月甲戌呂惠卿知杭州。